



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**

**Parlamentu Nasionál**

**Setembru 2015**

**JSMP apresia no enkoraza Komisaun A Parlamentu Nasionál aselera diskusaun ba Proposta Lei Indultu**

Iha 15 Setembru 2015, liu husi Reuniaun Plenária meja Parlamentu Nasionál anuncia atu admite no baixa ba Komisaun A hodi diskuti Proposta de Lei n.º 30/III (3ª) kona-ba Prosidimento ba Konsesauun ba Indultu iha especialidade.

Kontiudu husi esbosu lei ne'e atu regula kona-ba prosedimentu legál ne'ebé formalmente bele aplika kona-ba oinsá atu fó indultu ho ninia limite no kriteriu ne'ebé establese tuir lei ne'e no sei la prejudika direitu prerogativu Prezidente da Repúblika nian tuir konstituisaun RDTL.

“JSMP apresia Parlamentu no husu atu Komisaun A tenki tau iha agenda prióridade hodi aselera diskusaun ba proposta lei refere iha diskusaun especialidade hodi aprova atu sai baze ida ba Prezidente hodi ezerse nia kompetensia kona-ba iha maneira ida ne'ebé aprópriadu no rigurozu,, dehan Diretór Ezekutivu JSMP, Luis de Oliveira Sampaio.

Antes ne'e decide tinan 2010, JSMP apresenta ona submisaun ida ba Governu atu insia mekanismu legál no prosedimentu ida ne'ebé klaru kona-ba indultu. Iha submisaun ne'e, JSMP deskuti kona-ba nível konfuzauun no problema sériu kona-ba maneira atu administra poder indultu Prezidensiál no hamenus sentensa iha Timór Leste. Situasaun ida ne'e bele hare husi istória kona-ba lei amnistia no indultu iha Timór Leste nomos indultu ne'ebé mak Prezidente da Repúblika fó ona. Istória ne'e hatudu nivel konfuzauun boot kona-ba konseitu husi indultu, hamenus sentensa, amnistia no imunidade. Ida ne'e mós hatudu tendensia ida husi Prezidente hodi uza poder ne'e ho ekstensivu, kontra rekomendasaun husi governu, la konsistente ho konstituisaun no obrigasaun lei internasionál no hafraku setór justisa ne'ebé sei vulneravel hela.

Iha 30 Agostu 2014, Prezidente Repúblika Timor-Leste ezerse nia kompeténsia tuir Konstitusaun hodi fó indultu ba prizoneriu/kodenadu nain 5. Idultu ne'e hetan reazem no hamosu debate kontroversial iha nivel sosiedade hot-hotu tanba ema barak la konkorda ho Prezidente iha kazu ida ne'e. Esperensia no prátika ne'e iha potensia boot atu kontinua se la iha mekanismu lejislativu ruma atu kontrola prosesu ne'e iha futuru.

JSMP mós hanoin katak se indultu aplika sein konsiderasaun apropiadu ka tanba motivaun polítika, iha potensia atu fó impaktu ba esforsu ne'ebé instituisaun judisiáriu sira halo atu hametin justisa ba ema hotu. Importante atu iha lei ne'ebé fó matadalan bainhira ezerse indultu,

Rua setubal, Colmera, Dili Timor Leste

PoBox: 275

Telefone: 3323883

[www.jsmp.tl](http://www.jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl

no sei posivel, limita kompeténsia ne'e. Podér ne'e tenki ezerse iha maneira ne'ebé apropriadu, liuliu ba kazu korrupsaun no kazu interese públiku seluk envolve violénsia seksuál no inestu.

Tanba ne'e, JSMP rekomenda ba Komisaun A PN atu nakloke hodi involve entidades hotu iha audensia públiku. Ida ne'e importante atu asegura partisipasaun públiku iha prosesu lejislativu no simu rekomendasaun sosiédade sivíl no entidades relenates sira ne'ebé iha interese atu fó sira nia pontu devista ba hadia esbosu lei ne'e antes aprova

Esbosu ba Proposta Lei ne'e inísia husi Governu liu husi Ministériu Justisa no tama iha Parlamentu Nasionál, iha loron 10/7/2015 no annusia iha plenária loron 15/9/2015.

Atu hetan informasaun kle'an favór kontaktu direktamente:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
Landline: 3323883 / 77810637